

## **12. Međunarodna konferencija o informacijskoj i medijskoj pismenosti “Juni na Uni”**

**mr. sc. Ratko Knežević**

Bihać, Bosna i Hercegovina  
ratkok@hotmail.com

O 12. Međunarodnoj konferenciji o informacijskoj pismenosti “Juni na Uni 2015.” piše mr. sc. Ratko Knežević, organizator i ravnatelj **JU Kantonalne i univerzitetske biblioteke Bihać**:

“Zahvaljujući uspješnom radu menadžmenta JU Kantonalna i univerzitetska biblioteka Bihać na međunarodnom planu, Savjetovanje bibliotekara Bosne i Hercegovine koje je započelo skromno prije 12 godina je preraslo u svjetsku manifestaciju od izuzetnog značaja. Naime, ove godine je u Bihaću po 12. put održana Konferencija o informacijskoj i medijskoj pismenosti pod nazivom “Juni na Uni” od 17.–20. lipnja 2015. godine. Direktor ove institucije, mr. sc. Ratko Knežević je rekao: “ovogodišnju Konferenciju koja je postala u punom smislu riječi međunarodna, na svjetskom nivou, organizirali smo u suradnji s Institutom za tehnologiju iz Limerika (Republika Irska) s kojima već duže godina imamo izuzetnu suradnju kroz mnogobrojne projekte financirana od strane EU. I sama Konferencija predstavlja epilog jednog trogodišnjeg međunarodnog projekta koji smo realizirali u sklopu Tempus programa pod nazivom “Razvoj informacijske pismeno-

sti – ekonomija znanja u zemljama Zapadnog Balkana” uz učešće partnera iz desetak evropskih država. Više o samoj konferenciji može se pronaći na službenoj stranici Konferencije: <http://www.wbilc2015.kbbi.ba/> Može se reći da je krajem prošle godine ovaj projekt zbog svoje učinkovitosti dobio posebnu nagradu od strane EU kao jedan od najboljih koje je EU financirala do sada. Glavne teme ovogodišnje konferencije su bile:

1. Informacijska pismenost u modernom svijetu (Informacijska pismenost u 21. stoljeću; Informacijske pismenosti (medijska pismenost, digitalna pismenost, vizualna pismenost, financijska pismenost, zdravstvena pismenost, cyber wellness, infografika, informacijsko ponašanje, transliteracija, postliteracija) – Informacijska pismenost i akademske biblioteke /knjižnice; Informacijska pismenost i obrazovanje odraslih; Informacijska pismenost i kombinirano učenje; Informacijska pismenost i učenje na daljinu)
2. Bibliotekari/knjižničari kao podrška u procesu cjeloživotnog učenja (Digitalna pedagogija i informacijska pismenost; Integriranje informacijske pismenosti u kurikulum Uključivanje teorije informacijske pismenosti u praksu; Informacijska pismenost obuka i instrukcije; Informacijska pismenost i *online* učenje npr. vlastiti moduli informacijske pismenosti itd.)
3. Medijska i informacijska pismenost – teoretski pristupi – standardi, procjena, suradnja /Teorija informacijske pismenosti (modeli, standardi, indikatori, Moskovska deklaracija; Informacijska pismenost i



referentne usluge: cyber referentne usluge, virtualne referentne usluge, mobilne referentne; Kulturni i kontekstualni pristupi informacijskoj pismenosti; Menadžment projekta informacijske pismenosti itd./

4. Novi aspekti obrazovanja/strateškog planiranja, politika, i propagiranja informacijske pismenosti u digitalno doba (Brendiranje, promocija i marketing za informacijsku pismenost; Politika i razvoj informatičke pismenosti; Strategije u e-učenju za promociju samousmjerenog i održivog učenja u području vještina informacijske pismenosti)



Važno je da su učešće na Konferenciji imali bibliotekari / knjižničari i naučni radnici sa svih kontinenata: SAD, Irske, Ujedinjenog Kraljevstva, Rumunije, Grčke, Srbije, Kosova, Hrvatske, Slovenije, Bugarske, Egipta, Katar, Ujedinjenih Arapskih Emirata, Vijetnama, Australije, Turske, Rusije, Nizozemske, Bahreina, Bosne i Hercegovine, itd. Broj zemalja učesnica bio bi još i znatno veći da mnogi od njih nisu bili spriječeni zbog poteškoća oko viznog režima. Ključni predavači na ovogodišnjoj Konferenciji bili najeminentnije ličnosti iz ovih oblasti, i to dr. Christine Bruce (University of Queensland, Australia) i dr. Tefko Saračević (SAD). Uspjeli smo također uspostaviti prezentacije video linkom učesnika koji nisu mogli doći na Konferenciju, kao i interaktivno spajanje sa učesnicima Konferencije u Bugarskoj koju je vodio dr. Miltenof (SAD). Konferencija je cijelo vrijeme bila emitirana uživo preko Interneta, i bila je veoma popraćena u cijelom svijetu.



Osim što su se na jednom mjestu okupili stručnjaci iz cijelog svijeta koji su razmatrali ovu tematiku, razmjenjivali mišljenja i iskustva, važno je da je stvorena mreža stručnjaka koja će uz mnogo manje poteškoća djelovati na svjetskom planu po ovim pitanjima.

Ovakav skup je podržalo i Federalno ministarstvo obrazovanja i nauke Bosne i Hercegovine, a svoje mjesto su zauzeli i brojni prezentatori i izdavači iz cijelog svijeta. Između ostalih, sudionici su bili i Nature Publishing Group, Palgrave Macmillan, Subito, Ashgate, Citavi, Oxford University Press, itd. Siguran sam, kaže Ratko Knežević, da će svi oni koji se na bilo koji način bave ovom tematikom uvidjeti koliko su to značajne kompanije koje su se predstavile na ovogodišnjoj Konferenciji. Zadovoljstvo predstavlja i činjenica da je *JU Kantonalna i univerzitetska biblioteka Bihać* u Bosni i Hercegovini, koja djeluje u veoma skromnim uvjetima, zbog svog izuzet-



nog angažmana na međunarodnom planu, i ove godine dobila priznanje učešćem u nekoliko novih projekata koji se finansiraju od strane EU, kao što su: Library Network Support Services (LNSS): modernising libraries in Western Balkan countries through staff development and reforming library services, čiji će nositelj biti ponovo Institut za tehnologiju iz Limerika (Republika Irska) i koji će se razvijati u naredne 3 godine (2016-2018), a za koji ćemo biti zaduženi za svjetsku diseminaciju istog; potom drugi pod vodstvom biblioteke iz Atene pod nazivom International Network of Emerging Library Innovators in the Balkan Region (INELI-Balkans). Izuzetna mi je čast da mi je dodijeljena uloga od strane Univerziteta u Ankari da sastavim tim iz Bosne i Hercegovine koji će u prosincu 2015. godine učestvovati na interaktivnoj edukativnoj radionici koja će trajati jedan tjedan i koja će za cilj imati obuku djece emigranata iz Sirije na polju informacijske i računalne pismenosti. Ostvarujemo suradnju sa knjižnicom iz Novog Mesta i ravnateljom Borutom Novakom, kao i suradnju sa gradskom knjižnicom "Ivan Goran Kovačić" iz Karlovca sa kojom smo, za vrijeme mandata prethodne ravnateljice gđe. Fride Bišćan, uspješno realizirali IPA projekt pod nazivom "Usluge pokretne knjižnice kao podrška programu cjelovitnog učenja u ruralnim sredinama Karlovačke županije i Unsko-sanskog kantona-MOBILL", a na osnovu kojeg smo pokrenuli našu mobilnu biblioteku koja je za veoma kratko vrijeme postala prepoznatljiva na terenu i stekla veliki broj korisnika. Mnogobrojni su kulturni događaji održani u okviru prekogranične suradnje na zadovoljstvo građana i učenika u obje države, a koja su uključivala koncerte kulturno umjetničkih društava,



posjete pjesnika školama, interaktivne radionice, i sl. kako u Republici Hrvatskoj tako i Bosni i Hercegovini. Učestvovali smo i na Prvom europskom susretu bibliobusa Europe u Pečuhu u travnju ove godine, s kolegama iz mnogobrojnih europskih država. Iskreno se nadam dobroj suradnji i u budućnosti, očekujući proširenje suradnje s knjižnicom u Puli, a zašto ne i u Rijeci, koja ima tako dugu i uspješnu knjižničarsku tradiciju, što bi nas izuzetno radovalo, i siguran sam, bilo na obostranu korist, a sve u svrhu proširenja ponude našim dragim korisnicima.”

